

# Expo ARC an der Valentiny Foundation zu Rëmerschen

Sandy Elson | Update: 25.05.2023 19:30

**DE JOURNAL**

► ▶ 1:07 / 2:33

**Expo ARC**

Ganzer 65 Artisten si Membere vum ARC, engem Kënschtlerkrees, deen et schon zanter 1959 gëtt.

Ganzer 65 Artisten si Membere vum ARC, engem Kënschtlerkrees, deen et schon zanter 1959 gëtt.

Ronn 40 vun hinne presentéieren zanter e Mëttwoch den Owend hir Wierker an der Valentiny Foundation zu Rëmerschen.

Scho fir d'Drétt dést Joer begeeschtert den ARC de Public duerch seng Diversitéit. De Kënschtlerkrees ass dofir bekannt, Artisten mat enger grousser Vielfalt un Iddien, Stiller an Techniken zesummenzebréngen, sou och an der Valentiny Foundation zu Rëmerschen.

Vun der Fotografie iwwer d'Molerel bis hin zu Installationen ze entdecken, ginn et quasi all d'Techniken vun der plastescher Konscht.

Mat dobäi ass och de Moler Frank Yvan, bekannt als Sänger vun der Ska-Band Toxkäpp. Zu Bréissel huet hie Gravure an Zeechnen studéiert. Nodeems hie méi wéi 25 laang d'Band geréiert huet, konzentréiert hien sech elo op dat, wat hien eigentlech geléiert huet.

Mat Acryl kreéiert hie Wierker am expressionistesche Stil mat androgyne Figuren, déi fir déi mënschlech Verfassung stinn.

Der Josiane Ginter hir Holzskulpturen setzen de weibleche Kierper an Zeen.

De Valentino Camarda léisst mol op Holz, mol op Pabeler ganz divers Figuren an deenen énnerschiddlechsten Universen optiewen.

Déi vill verschidden Exponate sti wéi och d'Kënschtler vum ARC an engem reegen Dialog mateneen.

Bis de 4. Juni sinn déi vill Wierker an der Valentiny Foundation zu Rëmerschen ze gesinn.

Weider Informatiounen zum ARC Kënschtlerkrees a senge Memberen fannt Dir hel [www.arcasbl.com](http://www.arcasbl.com)